



REPUBLIKA E SHQIPËRISË

INSTITUCIONI I PRESIDENTIT
TË
REPUBLIKËS SË SHQIPËRISË

AUTORITETI KOMBËTAR PËR
CERTIFIKIMIN ELEKTRONIK
DHE
SIGURINË KIBERNETIKE

Nr. 1042/1 Prot.

Tiranë, më 7 . 3 .2024

Nr. 146 Prot.

Tiranë, më 29 . 02 .2024

**MARRËVESHJE
KONFIDENCIALITETI**

Kjo Marrëveshje Konfidencialiteti është dakordësuar ndërmjet palëve të mëposhtme:

- a) Autoriteti Kombëtar për Certifikimin Elektronik dhe Sigurinë Kibernetike (në vijim "AKCESK"), me adresë: Rr. "Papa Gjon Pali i II", nr.3, Tiranë, përfaqësuar nga Drejtori i Përgjithshëm Z. Igli Tafa, dhe
- b) Institucioni i Presidentit të Republikës së Shqipërisë, me adresë: Bulevardi "Dëshmorët e Kombit", Tiranë, përfaqësuar nga Sekretari i Përgjithshëm Znj. Valbona Lusha;

Duke pranuar se Teknologjitë e Informacionit dhe të Komunikimit (TIK) kanë hapur dritare të reja mundësish dhe janë mjete thelbësore për zhvillimin socio-ekonomik të shteteve;

Duke pranuar se TIK kanë sjellë gjithashtu lloje të reja kërcënimesh si: krimi kibernetik, spiunazhi kibernetik, aktivizimi, terrorizmi kibernetik, lufta kibernetike, sulmet ndaj infrastrukturës kritike, fushat e dezinformimit; dhe se këto kërcënime janë në rritje globalisht, ndërkombëtarisht, në mënyrë dinamike dhe po shfaqen gjithnjë e më të sofistikuar;

Palët kanë interesa strategjike të përbashkëta dhe bien dakord të bashkëpunojnë në fushën e informacionit bazuar në përfitime të njëjta dhe reciproke, për të përmirësuar bashkëpunimin në përgjigje të incidenteve të sigurisë së informacionit.

Duke pranuar rolin e Palëve në fushën e sigurisë kibernetike, në zbatimin e politikave dhe reagimeve operacionale, zhvillimin e mjeteve dhe në kuadrin rregullator.

Palët synojnë të përcaktojnë qëllimet kryesore, objektivat, fushat dhe format e bashkëpunimit, të përfshira në këtë Marrëveshje Konfidencialiteti për sa vijon.

Neni 1 QËLLIMI

Kjo Marrëveshje Konfidencialiteti ka për qëllim të promovojë bashkëpunimin në fushën e sigurisë kibernetike ndërmjet Palëve si dhe të përmirësojë shkëmbimin e informacionit ndërmjet palëve në lidhje me sigurinë kibernetike bazuar në specifikimet sipas Nenit 4 të kësaj Marrëveshje Konfidencialiteti.

Neni 2 STATUSI DHE FUSHA E MARRËVESHJES SË KONFIDENCIALITETIT

1. Kjo Marrëveshje Konfidencialiteti përcakton kornizën brenda të cilës Palët synojnë të bashkëpunojnë për të arritur qëllimet e përcaktuara në nenin 1.
2. Kjo Marrëveshje Konfidencialiteti nuk ka për qëllim të krijojë, mbajë ose imponojë të drejta dhe detyrime ligjore ndaj Palëve ose ndërmjet Palëve të treta. Zbatimi i kësaj Marrëveshje Konfidencialiteti nga Palët e përcaktuara në të, i nënshtrohet përcaktimeve ligjore në fuqi.

Neni 3 FUSHAT E BASHKËPUNIMIT

1. Për të arritur qëllimin e mësipërm të kësaj Marrëveshje Konfidencialiteti, Palët synojnë të bashkëpunojnë në fushat e mëposhtme:
 - a) Ofrimin sipas kërkesës së Palës skanime proaktive të rrjeteve dhe sistemeve të informacionit me qëllim identifikimin e vulnerabiliteteve me impakt të lartë të mundshëm;
 - b) Vendosjen në dispozicion të kopjes së logeve;
 - c) Raportimin e të gjitha llojeve të incidenteve të sigurisë kibernetike në përputhje me parashikimet ligjore në fuqi për sigurinë kibernetike;
 - d) Ndarjen e informacionit në lidhje me përhapjen e programeve keqdashëse;
 - e) Shkëmbimin e indikatorëve të kompromisit;
 - f) Ofrimin e informacionit për zgjidhjet e mundshme në fushën e sigurisë së informacionit;
 - g) Shkëmbimin e materialeve edukative dhe trajnuese lidhur me sigurinë kibernetike;
 - h) Bashkëpunimin dhe koordinimin e ndërsjelltë në lidhje me zhvillimin e seminareve teknike, edukative dhe trajnimeve;
 - i) Ofrimin e asistencës informative këshilluese në hetimin dhe eliminimin e incidenteve të sigurisë së informacionit;
 - j) Shkëmbimin e informacionit mbi rreziqet e sigurisë së informacionit;



Neni 4
SHKËMBIMI DHE PËRDORIMI INFORMACIONIT

1. Palët marrin përsipër të shkëmbejnë informacionin për qëllimet e kësaj Marrëveshje duke ruajtur konfidencialitetin. Shkëmbimi i informacionit sipas kushteve të kësaj Marrëveshje Konfidencialiteti, do të kryhet në përputhje me legjislacionin në fuqi.
2. Asnjëra palë nuk do të shpërndajë informacionet e marra nga Pala tjetër sipas përcaktimeve të kësaj marrëveshjeje, asnjë pale të tretë pa pëlqimin paraprak të Palës tjetër.
3. Secila Palë do të sigurojë që informacioni i ofruar ose shkëmbyer, të jetë i mbrojtur sipas rregullave të sigurisë dhe parimeve përkatëse.
4. Palët do të zbatojnë mbrojtjen e të dhënave personale, sipas kuadrit ligjor në fuqi.
5. Palët do të caktojnë një person kontakti përgjegjës për komunikimet ndërmjet Palëve në kuadrin e kësaj marrëveshjeje, sipas lidhjes Nr.1 bashkëlidhur.
6. Çdo aktivitet i përbashkët që përfshin pronësinë intelektuale do të dakordësohet me shkrim nga Palët për të mbrojtur interesat përkatëse.

Neni 5
ZGJIDHJA E MOSMARRËVESHJES SË KONFIDENCIALITETIT

Çdo mosmarrëveshje ndërmjet Palëve në lidhje me interpretimin dhe/ose zbatimin e kësaj Marrëveshje Konfidencialiteti do të zgjidhet në mënyrë miqësore nëpërmjet konsultimeve dhe/ose negociatave ndërmjet tyre.

Neni 6
FILLIMI, KOHËZGJATJA DHE PËRFUNDIMI I MARRËVESHJES

1. Kjo Marrëveshje Konfidencialiteti hyn në fuqi në datën e nënshkrimit të saj nga të përfaqësuesit e autorizuar të Palëve.
2. Kjo Marrëveshje Konfidencialiteti nënshkruhet për një afat të pacaktuar dhe Palët mund ta ndërpresin atë në çdo kohë duke njoftuar palën tjetër me shkrim.
3. Aktivitetet që janë në proces në momentin e përfundimit të marrëveshjes, do të përfundojnë në përputhje me dispozitat e kësaj marrëveshjeje.
4. Kjo Marrëveshje Konfidencialiteti mund të ndryshohet me marrëveshje reciproke me shkrim të Palëve.
5. Çdo ndryshim qw mund t'i bwhet kësaj marrëveshjeje, do të hyjë në fuqi në datën e përcaktuar reciprokisht nga Palët.

Neni 7
KOSTOT, SHPENZIMET DHE BURIME

Çdo Palë merr përsipër shpenzimet e veta dhe i siguron vetes burime për ekzekutimin e kësaj marrëveshje dhe shpenzimeve të tjera të lidhura me të. Të gjitha aktivitetet sipas kësaj Marrëveshje Konfidencialiteti, do t'i nënshtrohen disponueshmërisë së burimeve financiare dhe njerëzore në përputhje me legjislacionin në fuqi.



Neni 8

DISPOZITA TË FUNDIT

1. Kjo Marrëveshje Konfidencialiteti hartohet dhe zbatohet në përputhje me ligjin shqiptar.
2. Marrëveshja hartohet dhe nënshkruhet në 4 (katër) kopje origjinale, dy prej të cilave depozitohen në Institucionin e Presidentit të Republikës dhe dy të tjera në Autoritetin Kombëtar për Certifikimin Elektronik dhe Sigurinë Kibernetike.

**PËR
INSTITUCIONIN E PRESIDENTIT
TË
REPUBLIKËS SË SHQIPËRISË**

**SEKRETARI I PËRGJITHSHËM
Valbona Lusha**



**PËR
AUTORITETIN KOMBËTAR PËR
CERTIFIKIMIN ELEKTRONIK
DHE
SIGURINË KIBERNETIKE**

**DREJTORI I PËRGJITHSHËM
Igli Tafa**



INFORMACIONET E KONTAKTIT

INSTITUCIONI I PRESIDENTIT TË REPUBLIKËS SË SHQIPËRISË	AUTORITETI KOMBËTAR PËR CERTIFIKIMIN ELEKTRONIK DHE SIGURINË KIBERNETIKE I SHQIPËRISË
Emër: Bianka Hada	Emër: Eriola Sadiku
Institucioni: Institucioni i Presidentit të Republikës	Institucioni: AKCESK
Telefon: 069 82 82 146	Telefon: +355 4 22 210 39
Adresë e-mail: bianka.hada@president.al	Adresë e-mail: eriola.sadiku@cesk.gov.al
Telefon 24/7: +355 4 2 389 845	Telefon 24/7: +355 4 22 210 39
Telefon emergjencash: 069 82 82 146	Telefon emergjencash: +355 69 20 88 722
Adresa: Bulevardi "Dëshmorët e Kombit". Tiranë	Adresa: Rr. "Papa Gjon Pali i II", nr.3, Tiranë